

NEWS RELEASE



Kilamik Toniyaqhak

NTI-kot Katimayet Agikhimayut 1.5-mileatalamik Inoenaktut Ilihateakvet Aolanikateakneakmaga Naonaeyaot katimapkaevlotiklo Atoligomayamiknik Upalogaeyaonmik Nuuk-mi

(June 17-mi 2024-mi – Ikalokni, Nonavumi) Ipakhani, Nonavut Tungavik Timeoyok (NTI) Katimayet Hivolikhoktit katihimayut Ikalokni, atoligomayamiknik upalogaeyaotikaktut ahikpanetok Nuuk-mi Akokitokmi. Malguk pigeagotik aniguktitaohimayuk Katimayinit, agiktaovlonilo 1.5-mileatala aolanikateakneakmaga ilitokhaonmik Inoenaktut ilihateakvikageagani, pikoevlotiklo Kavamanik Kanatami kinikheayagani manikhakhanik atoktukhanik Kanatami Titigakakvilikiyit aolaniginik Nonavumi ajikenik Nonavumi nunagiyaoyonit.

“Akitokniginik nikit ahelo pikotit atogeakaktut ublotoagagat inuyuhikmi Nonavumi, atoknikateaktok tamaeni ilaoyut ilaovageagani kinikheayagani tamaenik atolaktonik akikhigeagotikhanik piyagani,” okaktok NTI-koni Ikhivaotalik Aluki Kotierk. “Kanatami Titigakakvilikiyit havakatikageakaktut tikmealikiyini, neovikveoyonik aheniklo ilaoyonik ihoakhivaligeagani maligoagakhat akikhivaligeagani akyatit akitonigin ublotoagagat atogeakaktonik Nonavumi ilalo ukikliyagani manilikiyotini aktoktaoyut Nonavumi Inoenaknit ilagenit.”

Atoligomayoayonik upalogaeyaknikmi ahikpani katimanikmi Nuuk-mi, katimayit nalonaektivaktaet *Nigeoktaoyunik* atokaktakhanik inikhimayut 2018-I, ilakaktut havakatigiyagani Kavamaoyut piyagani tamat atolikniganik Nakatani 23-mi *Nonavumi Agikatiegummi*; hakogikhivaliktilogo Inoenaktut tamaeni piyotaoyoni inuyohikmi Nonavumi; havakatigilogit Kavamaoyut hanayagani ilihaotikhanik atoktukhami takupkaeyotaoyomik atokpaligotaoyomiklo Inoet atokagomayaenik Inelo ilitkohenik; havakatigilogit Kavamat ikiklivaliayagani iglolikiyotini ahenilo hanayakhani ilagoenaoyut Nonavumi, tutkikhivaligeaganilo hanahimayoni atoktakhanik Nonavumi kanatami atoktoni; havakatigilogilo Kavamat hanayagani Nakatani 32-mi havaohikhanik atoktitpaligeagani nakogotaoyut Inoet ilaonigit pivaleayotini inuyohikmi ilitkohikmilo pitkoheoyonik havaniklo Nonavumilo. Katimayit okateaktut ataotimik ihomagiyakaknikmik havakatigekniklo okonani Inoet timigiyaeni tungaveokmat nanminik aolanikageami pivaligotaokmat ayogiyotigiyakut uktogeagani ilikugotit havami inuhikmi manikhakheogotini, ilitkohikmilo ayikeligeagani ukonani Inoenakni ahenilo Kanatameotani.

Katimayit okavaktolo NTI-kot ilaoniga monagiyagani ihomakhutaoyut Nonavumi Inoenaknit okaklotiklo ikayokhimaknigaklotik maligalikinikut upiyotaoyok atoktaonahoaktok taemaetagani, maligatiguktitiyotilo malguknit Inoenaknit ilagenit NTI-kolo kivgaktokhogit Nonavumi Inoet pikageagani Kavamat Nonavumi atoktitivikhakageagani ilihaktonit ilihageagani Inoenaktut Ilihakaktonit Ayoeniginut 12.

NEWS RELEASE

Nuuk-mi, Katimayit katimakatikaktut Akogitomi atangoyanik polakhotiklo atokloaktonik iglonik pihimagitaptiknik ayikotakagitonik Nonavumi Kanatamilunet, Nonavumilo Inoet tukhikhakhimaliktaenik amihoni ukeoni.

Katimayit polakhimayut Akogitomi Tutkomavikmik Igilgaknitanik, takoyaoteaktut ihageagiyaoniganik Inoet Iitkohenik Havakveoyomik, atogeakaktomik *Nonavumi Agikatiegunmi*, hanayaoyagani Noavumi kilamik ayoknaetpat. Polakhimayolo malguknik ilihakveoyuknik ilihakaliktut ilihakveni, ila Akokitukmeot hivoleoyok okaoheat ilihaotaovloni, takupkaktaoteaktok atolakniganik Inoenaktut okaohik atogeagani ilihaotini Nonavumi ilihakvikni. Katimayit ihivgeokhihimayut *Ilihimatukhakovik* Ilihakovikyoamik Akogitukmi, *Okaohilikivikmik*-miklo, nonakyoami okaohilikiyit, hivolikhoktit kanok Akogitukmeotut ilipkamaenageagani nonaonikhalikiyotinilo Akogitukmi. Ilagiyani, polakhimayut imakmit algoyaktutilikiyotimik atagoniklo monagiyotimik pikotini, Agonahoaktit Ikalokheoktilo Neovaveanik Tamayakakveaniklo, Inutkoakakovikmiklo iglomik, ayikotaenik hanahimayonik ila, hanahimagomik Nonavumi, agiyomik ihoakhivaligotaoneakmata inuheni Nonavumi Inoet.

Tuklik atoligomamayamiknik upalogaeyaknikmik katimanikhat NTI-koni Katimayit inigeaktaoyok upingami 2025-mi, kigoani NTI-kot ikhivaotakhamik vutikniginin inigehtok atogeagani December 9-mi 2024-mi. Nutat atokagomayaoyut tikutineagaet havagit NTI-kot.

-30-

Tohagakhalikiyit Okakovikhat:

Ivaluarjuk Merritt

Hivolikhokti Tohaomayotini

Nonavut Tungavik Timeoyomi

Kagitaoyami Titikikivea media@tunngavik.com -mi